



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo

GRADSKO VIJEĆE

Odluka
o utvrđivanju posebnog značaja za Grad Sarajevo
za Udruženje turističkih vodiča Sarajeva „Vučko“
(Prijedlog)

Predlagač: Gradonačelnica
Obrađivač: Gradska služba za lokalno poslovanje

Sarajevo, januar 2024. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 31. stav (1) tačka b). Statuta Grada Sarajeva („Službene novine Kantona Sarajevo“, broj 7/23), kao i na osnovu člana 8. stav (1) Odluke o načinu sticanja statusa udruženja i fondacija od posebnog značaja za Grad Sarajevo („Službene novine Kantona Sarajevo“, broj 51/21), Gradsko vijeće Grada Sarajeva, na __. sjednici održanoj dana __. __. 2024. godine, donijelo je:

(Prijedlog)

**Odluku
o utvrđivanju posebnog značaja za Grad Sarajevo
za Udruženje turističkih vodiča Sarajeva „Vučko“**

Član 1.

Ovom Odlukom utvrđuje se da je Udruženje turističkih vodiča Sarajeva „Vučko“ od posebnog značaja za Grad Sarajevo, kao organizacija čiji je jedan od ciljeva edukacija i trening članova Udruženja u cilju bolje prezentacije Sarajeva kao turističke destinacije te na taj način doprinosi afirmaciji grada Sarajeva, a što predstavlja vrijednosti od posebnog značaja za Grad Sarajevo.

Član 2.

Djelatnosti Udruženje turističkih vodiča Sarajeva „Vučko“ finansirat će se iz sredstava Budžeta Grada Sarajeva, iznosom od 4.000,00 KM (slovima: četirihiljade KM), kroz više budžetskih godina, odnosno dok Udruženje ispunjava opće i posebne uslove za sticanje statusa posebnog značaja za Grad Sarajevo, odnosno do prestanka statusa, u skladu sa Odlukom o načinu sticanja statusa udruženja i fondacija od posebnog značaja za Grad Sarajevo.

Član 3.

Nadzor nad provedbom Odluke vrši gradonačelnica Grada Sarajeva putem nadležne Službe.

Član 4.

Izmjene i dopune Odluke vrše se na način i po postupku za njeno donošenje.

Član 5.

Odluka stupa na snagu narednog dana od dana objavljivanja u „Službenim novinama Kantona Sarajevo“.

PREDSJEDAVALJUĆI GRADSKOG VIJEĆA

Jasmin Ademović

Broj:
Sarajevo, __. __. 2024. godine

OBRAZLOŽENJE

PRAVNI OSNOV

Pravni osnov za donošenje Odluke sadržan je u članu 31. stav (1) tačka b) Statuta Grada Sarajeva kojim je propisano da Gradsko vijeće donosi odluke, druge propise i opće akte i daje njihovo tumačenje, kao i u članu 8. stav (1) Odluke o načinu sticanja statusa udruženja i fondacija od posebnog značaja za Grad Sarajevo, čijom odredbom je, između ostaloga, utvrđeno da Gradsko vijeće Grada Sarajeva donosi konačnu odluku o utvrđivanju posebnog značaja za određeno udruženje ili fondaciju, na prijedlog gradonačelnice Grada Sarajeva.

RAZLOZI DONOŠENJA

Udruženje turističkih vodiča Sarajeva „Vučko“, sa sjedištem u Sarajevu, obratilo se gradonačelnici Grada Sarajeva Zahtjevom za sticanje statusa udruženja od posebnog značaja za Grad Sarajevo. Uz zahtjev su dostavljeni dokazi o ispunjavanju općih i posebnih uslova definisanih Odlukom o načinu sticanja statusa udruženja i fondacija od posebnog značaja za Grad Sarajevo.

Udruženje turističkih vodiča Sarajeva „Vučko“ osnovano je 2018. godine. Primarni cilj Udruženja bio je okupiti sve turističke vodiče Sarajeva u jednu organizaciju, te u skladu s tim udruženje danas okuplja 52 člana.

U svom utvrđenom djelovanju, Udruženje turističkih vodiča Sarajeva „Vučko“ ima za misiju olakšati svim vodičima put do postajanja istinskih profesionalaca u svojoj oblasti, dok je vizija Udruženja da svaki turistički vodič postane istinski ambasador, te putem standardizacije, edukacije, stručnim izlaganjem i prezentacijom na najbolji mogući način predstavi grad Sarajevo i Bosnu i Hercegovinu stranim gostima, kao i prijateljima grada Sarajeva.

Gradonačelnica je, u skladu sa odredbama Odluke o uslovima i načinu sticanja statusa udruženja i fondacija od posebnog značaja za Grad Sarajevo, uputila Gradskom vijeću Grada Sarajeva prijedlog da se za Udruženje turističkih vodiča Sarajeva „Vučko“ utvrdi status od posebnog značaja za Grad Sarajevo.

Cijeneći naprijed navedeno, kao i Mišljenje Gradske službe za lokalno poslovanje, broj 07-02-6716-1/23 od 02.11.2023. godine i Člana. 8 stav (1) Odluke o uslovima i načinu sticanja statusa udruženja i fondacija od posebnog značaja za Grad Sarajevo te imajući u vidu činjenicu da turistički vodiči imaju značajnu ulogu u cjelokupnoj ponudi turističke destinacije, kao i uzimajući u obzir da navedeno udruženje svojim djelovanjem i definiranim ciljevima doprinosi produženju boravka posjetilaca u našem gradu i inspirira ih da se ponovno vrate, što predstavlja vrijednosti od posebnog interesa i značaja za Grad Sarajevo, Gradsko vijeće Grada Sarajeva donijelo je ovu odluku.

FINANSIJSKA SREDSTVA

Finansijska sredstva za realizaciju ove odluke obezbjeđuju se u Budžetu Grada Sarajeva.



UDRUŽENJE TURISTIČKIH VODIČA SARAJEVA
SARAJEVO TOUR GUIDE ASSOCIATION

„VUČKO“

Zelenih Beretki 30, 7100

Bosna i Hercegovina

Federacija Bosne i Hercegovine

Kanton Sarajevo

Grad Sarajevo

Ured Gradonačelnice

ZAHTJEV ZA STICANJE STATUSA UDRUŽENJA OD POSEBNOG ZNAČAJA ZA GRAD SARAJEVO

Poštovana gradonačelnice Karić,

U skladu sa odlukom o uslovima I načinu sticanja statusa udruženja I fondacija od posebnog značaja za Grad Sarajevo (Službene novine Kantona Sarajevo broj 51 – strana 31) dostavljamo Vam zahtijev za sticanje statusa posebnog značaja za Grad Sarajevo.

U skladu sa članom 7. Odluke dostavljamo Vam obrazloženje I dokaze o ispunjavanju uslova iz člana 4. I 5. Odluke.

Odlukom gore navedenom traženi su:

Opći uslovi

- a) Udruženje je osnovano I registrovano u skladu sa pozitivnim zakonodavstvom te Vam dostavljamo:
 - Rješenje o upisu u registar udruženja
 - Obavještenje o razvrstavanju pravnog lica
 - Uvjerenje o registraciji poreznog obveznika

- b) Udruženje svoje aktivnosti razvija na području Grada Sarajeva. Naša primarna I osnovna aktivnost je kulturno-historijski razgled grada Sarajeva za turiste I goste našeg grada. Naš svaki vodič ima akreditaciju izdatu od ministarstva privrede Kantona Sarajevo za vođenje turista na području Kantona Sarajevo. U prilogu nekoliko akreditacija turističkih vodiča - članova udruženja Vučko. U prilogu slike



UDRUŽENJE TURISTIČKIH VODIČA SARAJEVA
SARAJEVO TOUR GUIDE ASSOCIATION

„VUČKO“

Zelenih Beretki 30, 71000 Sarajevo

- sa obilježavanja svjetskog Dana turističkih vodiča I besplatnih tura za građane Sarajeva. U prilogu slike sa edukacije vodiča o kriznom komuniciranju.
- c) Udruženje ne obavlja aktivnosti u ime političke stranke, te Vam dostavljamo:
- Ovjerena izjava ovlaštenog lica
- d) Udruženje nije dobilo nikakva finansijska sredstva u prethodnom period od strane Grada Sarajeva, te samim tim nije bilo u mogućnosti da ista Pravda. U prilogu Vam dostavljamo:
- Ovjerena izjava od strane Udruženja.

Posebni uslovi I odluke:

Udruženje turističkih vodiča grada Sarajeva "Vučko," je osnovano na osnivačkoj skupštini 2018. godine. Naš primarni cilj je bio okupiti sve turističke vodiče Sarajeva u jednu organizaciju, a već sam čin osnivanja udruženja je izazvao izuzetno pozitivan odjek kako među vodičima, tako i u širem krugu turističkih radnika.

Kako bi postali turistički vodiči, članovi našeg udruženja moraju biti registrovani i aktivno se baviti ovim poslom pod akreditacijom koju izdaje Ministarstvo privrede Kantona Sarajevo. Do danas smo uspjeli da okupimo 52 člana koji ispunjavaju ove uslove.

Naša misija je olakšati svim vodičima put do postajanja istinskih profesionalaca u svojoj oblasti. Putem standardizacije i edukacije, želimo im pomoći da na najbolji mogući način predstavljaju grad Sarajevo i Bosnu i Hercegovinu stranim gostima, kao i prijateljima našeg grada.

Naša vizija je da svaki turistički vodič postane istinski ambasador, da svojim stručnim izlaganjem i prezentacijom doprinese produženju boravka posjetilaca na našoj destinaciji i inspiriše ih da se ponovno vrate.



UDRUŽENJE TURISTIČKIH VODIČA SARAJEVA
SARAJEVO TOUR GUIDE ASSOCIATION

„VUČKO“

Zelenih Beretki 30, 71000 Sarajevo

U proteklom periodu, ostvarili smo različite aktivnosti u cilju ostvarenja naših ciljeva. Pored promocije našeg zanimanja, fokusirali smo se na edukaciju i trening naših vodiča kako bi bolje predstavili bogatstvo i kulturu Sarajeva i Bosne i Hercegovine. Tokom proteklih nekoliko godina, organizovali smo posjete svim galerijama i muzejima u našem gradu, upoznavali se s domaćinima i uspostavljali kontakte. Također smo organizovali edukacije o kriznom komuniciranju, te pozvali stručnjake i paneliste koji su pomogli vodičima da unaprijede svoje vještine komunikacije sa gostima.

Na Svjetski dan turističkih vodiča, organizovali smo besplatne tematske ture za naše sugrađane kako bismo ih upoznali s ljepotama, kulturom i nasljeđem našeg grada. Naše udruženje je postalo prepoznatljivo i cijenjeno u medijima kada se govori o turizmu, a takođe smo uspostavili dobru saradnju sa Turističkom zajednicom Kantona Sarajevo i Federalnim Ministarstvom Okoliša i turizma, radeći zajedno na prijedlozima izmjena zakona o turističkim vodičima. Od dana svog osnivanja naše udruženje je član svjetskog udruženja turističkih vodiča što se može vidjeti na njihovoj zvaničnoj web stranici, WFTGA (World Federation of Tour Guide Association).

U posljednje vrijeme, Vlada Kantona Sarajevo nas je pozivala na sastanke koji se tiču izrade nove strategije razvoja turizma za ovu regiju. Sigurni smo da ispunjavamo sve kriterijume za sticanje statusa udruženja od posebnog značaja za Grad Sarajevo.

Imajući u vidu vašu izuzetnu podršku i Vašu ulogu kao pozitivne promjene u našem društvu i ambasadora grada Sarajeva, vjerujemo da biste mogli da nam pomognete u ostvarivanju ovog cilja.

Unaprijed zahvalan
Mirza Omerhodžić
Predsjednik
Udruženje turističkih vodiča "Vučko"



Broj: 03-03-05-1602/19

Sarajevo, 03.04.2019. godine

Na osnovu člana 29. stav 1. Zakona o udruženjima i fondacijama ("Službene novine Federacije BiH", broj 45/02), a po zahtjevu Udruženja turističkih vodiča Sarajeva "Vučko", zastupano po punomoćniku Kemalu Alečkoviću advokatu iz Sarajeva, Ministarstvo pravde i uprave d o n o s i

R J E Š E N J E

1. Upisuje se u registar udruženja koji se vodi kod Ministarstva pravde i uprave Kantona Sarajevo **Udruženje turističkih vodiča Sarajeva "Vučko"**, sa sjedištem u Sarajevu, ulica JOSIPA ŠTADLERA broj 6.

2. Upis je izvršen pod registarskim brojem 2405. knjiga VI registra udruženja, dana 03.04.2019. godine.

3. Programski ciljevi i zadaci Udruženja su: udruživanje građana koji su položili ispit za turističkog vodiča i u skladu sa važećim zakonskim propisima FBiH posjeduju odgovarajući certifikat turističkog vodiča; informiranje članova o zakonskim i drugim obavezama; pomoć u obuci, učenju i registrovanju certificiranih turističkih vodiča; saradnja sa inspeksijskim organima u sprečavanju rada na crno i nelegalnog rada u oblasti turističkih vodiča; zalaganje za posredovanje pri zapošljavanju, saradnja sa turističkim agencijama i ostalim subjektima; organizovanje i pomaganje institucijama koje vrše obuku turističkih vodiča; poboljšanje turističkih usluga, zalaganje za unapređenje i razvoj turizma u Kantonu Sarajevo; rad na informisanju turista i predstavljanje poznatih i manje poznatih turističkih atrakcija i destinacija; pružanje pomoći i savjeta u ostvarivanju i zaštiti ljudskih prava i sloboda, jačanje turističke svijesti i kulture svih ljudi s posebnim osvrtom na mlade; izrada i implementacija projekata iz oblasti: turizma, zdravlja, obrazovanja, demokratije, ekologije, kulture, sporta; rad na povećanju broja posjeta inostranih turista i njihovom zadržavanju na teritoriji Kantona Sarajevo; rad na povećanju broja posjeta



domaćim muzejima, galerijama, izložbama, pozorišnim predstavama i drugim kulturno-društvenim centrima od strane domaćeg stanovništva i inostranih turista; podrška razvoju civilnog društva u demokratskim procesima kroz rasprave, otvorene debate, okrugle stolove, koji se tiču lokalnog, turističkog, ekonomskog, društvenog, kulturnog, ekološkog i općeg razvoja; organizovanje, samostalno ili sa drugim subjektima, edukativnih seminara, stručnih sastanaka, konferencija, radionica, treninga, smještaja turista, radi ostvarivanja ciljeva i djelatnosti Udruženja; štampanje priručnika, knjiga, informativnih biltena, audio i video publikacija, internetskih medija, a i drugog promotivnog materijala radi ostvarivanja ciljeva Udruženja, u skladu sa Zakonom; istraživanje, proučavanje, promicanje i popularizacija turističkih destinacija i kulturne baštine u Bosni i Hercegovini; uključivanje u različite lokalne i međunarodne projekte u skladu sa ciljevima i djelatnostima Udruženja; saradnja sa nadležnim organima i organizacijama, pravnim licima, udruženjima, asocijacijama kao i svim drugim srodnim licima u ostvarivanju njihovih prava, u skladu sa postavljenim ciljevima Udruženja, kao i međunarodna saradnja; razmjena iskustva i informacija sa istim ili sličnim udruženjima, organima i organizacijama u zemlji i inostranstvu; iniciranje i organizacija izleta; promicanje bosanskohercegovačke kulturne baštine i kulturnog naslijeđa basanskohercegovačkoj dijaspori; zalaganje za članstvo u organizaciji Svjetskog udruženja turističkih vodiča (WFTGA) i European Tourist Association (ETOA); saradnja sa srednjim školama i univerzitetima; promoviranje zimskog turizma; zalaganje i promocija domaćih društveno odgovornih kompanija, proizvoda i usluga; zalaganje za pristupanje Udruženju javnih ličnosti koji svojim prisustvom i djelovanjem, pomažu djelovanju i razvoju Udruženja.

4. Osoba ovlaštena za zastupanje i predstavljanje je: Mirza Omerhodžić - Predsjednik Udruženja.

5. Za izdavanje ovog rješenja Udruženje turističkih vodiča Sarajeva "Vučko" dužno je uplatiti iznos od 100,00 KM takse i 100,00 KM naknade za upis u Registar udruženja, na žiro račun broj: 141 196 53200084 75.

Obrazloženje

Udruženje turističkih vodiča Sarajeva "Vučko" zastupano po punomoćniku Kemal Alečkoviću advokatu iz Sarajeva, dostavilo je dana 05.02.2019. godine zahtjev za upis u registar udruženja, koji se vodi kod ovog ministarstva.

Uz zahtjev za upis u registar udruženja (Obrazac br. 3) koji je dopunjen dana 29.03.2019. godine, priložena je sva potrebna dokumentacija u skladu sa članom 28. Zakona o udruženjima i fondacijama i članom 5. stav 1. Pravilnika o načinu vođenja registra udruženja i fondacija i stranih međunarodnih nevladinih organizacija ("Službene novine Federacije BiH" broj: 61/02) i to: Odluka o osnivanju Udruženja, Popis članova upravnog tijela (Obrazac br. 5), Podaci o osnivaču (Obrazac



web: <http://mpu.ks.gov.ba>
e-mail: mpu@mpu.ks.gov.ba;
Tel: + 387 (0) 33 562-083,
Fax: + 387 (0) 33 562-241
Sarajevo, Reisa Džemaludina Čauševića 1



br. 4 i fotokopije ličnih karata osnivača), Odluka o zastupanju i predstavljanju Udruženja te Statut Udruženja. Također, dostavljeno je i rješenje gradonačelnika Grada Sarajeva o odobravanju upotrebe imena Grada Sarajeva u naziv udruženja, broj 01/04-05-441-1/19 od 23.01.2019. godine.

Uvidom u priloženu dokumentaciju utvrđeno je da su ispunjeni svi zakonski uslovi za upis u registar navedenog udruženja, pa je zbog toga riješeno kao u dispozitivu Rješenja.

Rješenje se izdaje uz naknadu za upis udruženja, a shodno Rješenju o visini naknade za upis u Registar udruženja broj 03-02-312/03 od 10.01.2003. godine i uz naplatu takse sa članom 19. tarifni broj 36. Zakona o administrativnim taksama ("Službene novine Kantona Sarajevo", broj 30/01 - Prečišćeni tekst 22/02, 10/05, 26/08 i 23/16) na žiro račun Kantona Sarajevo broj: 141 196 53200084 75.

Pouka o pravnom lijeku: Ovo rješenje je konačno, te protiv njega nije dopuštena žalba, ali se može pokrenuti upravni spor, tužbom kod Kantonalnog suda u Sarajevu u roku od 30 dana od dana prijema ovog rješenja. Tužba se podnosi u dva istovjetna primjerka, a uz istu se prilaže i ovo rješenje u originalu ili prepisu.

MINISTRICA
Lejla Brčić

Dostaviti:

1. Udruženju;
2. Federalnom ministarstvu pravde;
3. Ministarstvu privrede Kantona Sarajevo;
4. Zbirci isprava;
5. JPNIO "SI.List BiH";
6. Porezna uprava Federacije BiH
Porezni ured Sarajevo
Ul. Husrefa Redžića 4, Sarajevo;
7. Arhivi.



web: <http://mpu.ks.gov.ba>
e-mail: mpu@mpu.ks.gov.ba;
Tel: + 387 (0) 33 562-083,
Fax: + 387 (0) 33 562-241
Sarajevo, Reisa Džemaludina Čauševića 1



Bosna i Hercegovina
FEDERACIJA BOSNE I HERCEGOVINE
FEDERALNI ZAVOD ZA STATISTIKU
SARAJEVO

SLUŽBA ZA STATISTIKU ZA PODRUČJE
KANTONA SARAJEVO
SARAJEVO, MARŠALA TITA 62

Datum: 26.04.2019.
Broj: 07-32.5-83558/19

Na osnovu čl. 6., 8., 11. i 14. Zakona o klasifikaciji djelatnosti u Federaciji Bosne i Hercegovine („Službene novine Federacije BiH“, br.64/07 i 80/11), izdaje se

OBAVJEŠTENJE O RAZVRSTAVANJU PRAVNOG LICA PREMA KLASIFIKACIJI DJELATNOSTI

Naziv pravnog lica:

Udruženje turističkih vodiča "Vučko"

Sjedište pravnog lica:

Kanton: KANTON SARAJEVO
Općina: SARAJEVO STARI GRAD
Ulica i broj: ulica JOSIPA ŠTADLERA broj 6
Oblik organizovanja: Udruženje
Oblik vlasništva: NEMA VLASNIŠTVA

Naziv djelatnosti prema Klasifikaciji djelatnosti:

Djelatnosti strukovnih članskih organizacija

Šifra djelatnosti KD BiH 2010: 94.12

Šifra djelatnosti prema KD:

Identifikacioni broj pod kojim se pravno lice vodi u Registru poslovnih subjekata:

4202644460009

OBRAZLOŽENJE

Na osnovu prijave, odnosno po službenoj dužnosti, izvršeno je razvrstavanje pravnog lica prema djelatnosti koju obavlja. Ako pravno lice obavlja više djelatnosti razvrstavanje se vrši prema djelatnosti koju pretežno obavlja (glavna djelatnost).

Primjerak Obavještenja dostaviti Poreznoj upravi.

Ukoliko pravno lice smatra da je nepravilno razvrstano, ima pravo, u roku od 8 dana od dana prijema ovog Obavještenja, podnijeti Federalnom zavodu za statistiku zahtjev za ponovno razvrstavanje.



P.O. DIREKTORA
NAČELNIK
MELIHA SULJIĆ



BOSNA I HERCEGOVINA
Federacija Bosne i Hercegovine
Federalno ministarstvo financija - finansija
Porezna uprava Federacije BiH
Kantonalni porezni ured SARAJEVO

Na osnovu člana 169. Zakona o upravnom postupku Federacije BiH ('Službene novine Federacije BiH', broj: 2/98 i 48/99), člana 16. stav 4. Zakona o Poreznoj upravi Federacije Bosne i Hercegovine ('Službene novine Federacije BiH', broj: br: 33/02, 28/04, 57/09, 40/10, 27/12, 7/13, 71/14 i 91/15) i člana 36. Pravilnika o dodjeljivanju identifikacionih brojeva, registraciji i identifikaciji i evidencijama poreznih obveznika na teritoriji Federacije BiH ('Službene novine Federacije BiH', broj: 69/17 i 17/18), Porezna uprava Federacije BiH u porezne svrhe izdaje:

UVJERENJE O REGISTRACIJI POREZNOG OBVEZNIKA

Identifikacioni broj poreznog obveznika (glavni broj)

4202644460009

Naziv:


Udruženje turističkih vodiča "Vučko"

Sa adresom:

ulica JOSIPA ŠTADLERA broj 6, SARAJEVO STARI GRAD, KANTON SARAJEVO

Po ovlaštenju rukovodioca Kantonalnog ureda

Datum izdavanja: 25.04.2019.



Hafa Kovač, dipl.ecc. ✓

00001007397395



UDRUŽENJE TURISTIČKIH VODIČA SARAJEVA
SARAJEVO TOUR GUIDE ASSOCIATION

„VUČKO“

Zelenih Beretki 30, 71 000 Sarajevo

IZJAVA

Udruženje turističkih vodiča „Vučko“ ne obavlja nikakve aktivnosti u ime bilo koje političke stranke, niti je njen sastavni dio.

Predsjednik Udruženja

Mirza Omerhodžić



Sarajevo, 06.10.2023.